



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE SVMMO PON=||TIFICE,|| QVINQVE LIRBRIS|| EXPLICATA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XXV. Testimoniis Patrum Græcorum & Latinorum confirmatur primatus
Petri.

[urn:nbn:de:hbz:466:1-53860](https://nbn-resolving.de/urn:nbn:de:hbz:466:1-53860)

can. 20. vetat Clericis, ne sine formatis literis ad comitatum eant. Vide Burchardum lib. 2. cap. 227. Iuonem lib. 8. cap. 43 & 434. & Sidonium Apollinarem lib. 7. epist. 2.

CAPVT XXV.

*Testimoniis Patrum Græcorum & Latinorum
confirmatur primatus Petri.*

SUPEREST, vt adferamus veterum Patrum testimonia pro primatu S. Petri. Est autem antea obseruandum, quod si Patres dixerint, Petrum fuisse caput Ecclesiæ, aut primatum in Apostolos, ut Ecclesiam habuisse, id satis esse debebit ad ostendendum Patrum sententia id quod volumus. Fatentur enim aduersarij per hæc duo nomina, *caput & primatus*, significari summam in Ecclesia potestatem. Itaque MAGDEBURGENSI Cent. I. lib. 2. cap. 7. col. 527. dicunt, propriam esse notam tichristi, habere primatum in Ecclesiam. Et CALVINVS. stitut. lib. 4. cap. 7. §. 3. Certe, inquit, quamdiu durauit Ecclesia puræ facies, ista omnia superbia & nomina, quibus pœna in sole scere cœpit Romana sedes, prorsus erant inanata. Loquitur autem de nomine capititis & primatus. Et ibidem indicat, tempore Hieronymi adhuc durasse veram Ecclesiæ faciem.

PRIMVS ergo prodeat ex Græcis ORIGENES (nam Dionysium, Clementem Romanum, Anacletum, & similes omittit, quia ab aduersariis non recipiuntur) qui in cap. 6. ad Romanos ait: *Petro, inquit, cum summa rerum de pascendis ouibus traderetur, & super ipsum velut super terram fundaret Ecclesia, nullius confessio virtutis alterius ab eo, nisi caritatis exigitur.* EUSEBIUS in Chronico anni XLIV. à Christo nato: *Petrus, inquit, apostolus natione Galilæus, & Christianorum Pontifex primus.*

Vbi est obseruandum discrimen, quod Eusebius ponit inter Petrum, & aliorum ciuitatum Episcopos. Nam de Petro non dicit, Romanorum Episcopus primus, sicut ibidem dicit de Iacobo: *Ecclesia Hierosolymorum primus Episcopus ab apostolis ordinatur Iacobus frater Domini.* Et de Euodio:

Primus

Primus Antiochiae Episcopus ordinatur Euodius: non ita de Petro loquitur, sed; Christianorum Pontifex primus; nimirum ut intelligeremus, Iacobum vnius ciuitatis, Petrum totius orbis Christiani Pontificem fuisse; Idem lib. 2. hist. ca. 14. vocat Petrum omnium Apostolorum probatissimum & maximum, primorum principem & ducem, ac magistrum militiae Dei. Quid autem aliud est esse ducem militiae Dei, quam esse caput militantis Ecclesiae?

S. B A S I L I V s serm. de iudicio Dei, de Petro loquens: *Ille, inquit, beatus qui ceteris pralatus discipulis fuit, cui claves regni cœlestis commissa,* &c. S. Gregorius N A Z I A N Z E N V S orat. de moderatione in disputationibus seruanda, ostendere volens in omnibus rebus esse debere ordinem; argumentum sumit ab Apostolis; qui etsi omnes magni essent, tamē vnum præpositum habuerunt: *Vides, inquit, quemadmodum ex Christi discipulis, magnis & rique omnibus & excelsis, atque electione dignis, hic petra vocetur, atque Ecclesia fundamenta fidei sua credita habeat, ac reliqui discipuli posthaberi se tranquillo animo ferant.*

S. E P I P H A N I V s hæref. 51. Petrum, inquit, elegit, & dux effet discipulorum. Et in Ancorato: *Hic est, inquit, qui audiuit, Pasce agnos meos, cui creditum est ouile.* C Y R I L L V S Hierosolymitanus catech. 2. Petrum principem Apostolorum excellentissimum vocat. C Y R I L L V S Alexandrinus lib. 12. in Ioan. cap. 64. *Vt princeps, inquit, caput que ceterorum primus exclamat; Tu es Christus Filius Dei Vini.* Et in thesauro (si B. Thomæ credimus in opusculo contra Græcos) *Sicut Christus, inquit, accepit à Patre sceptrum Ecclesia Gentium, dux ex Israël egrediens, super omnem principatum, & potestatem, super omne quodcunq; est, & ei cuncta curueniuntur: sic & Petro & eius successoribus plenissimè commisit, & nulli alijs, quam Petro Christus quod suum est plenum, sed ipsi soli dedit.*

S. I O A N N E S Chrysostomus homil. 55. in Matth. Petrum, inquit, Ecclesia futura pastorem constituit. Et infra: *Deus concedere solus potest, & futura Ecclesia tot tantisque fluctibus impetu irruptentibus immobilis maneat, cuius pastor & caput (ecce nomen C A P I T I S Caluino inauditum) homo piscator, arq; ignobilis.* Et infra: *Hieremiam geni Genti Pater, hunc autem & inuerso terrarum orbi Christus proposuit.* Et hom. vlt. in

in Ioan. aliquoties repetit, Petro fratum, id est, Apostolorum curam demandaram, & orbem totum commissum.

E V T H Y M I V S in cap. vlt. Ioan. bis repetit, Petrum accipisse praesidentiam super discipulos. Ibidem: *Si dicas, inquit, quomodo Iacobus fidem Hierosolymis accepit? respondeo, hunc (Petrum) totius orbis magistrum esse constitutum. Vbi docet Euthymius, sicut Iacobus fuit Episcopus Hierosolymorum; ita Petrum fuisse Episcopum totius orbis.*

T H E O P H Y L A C T V S in cap. 22. Luc. in illud; Confirmat fratres tuos: *Planus, inquit, huius intellectus is est. Quia habeo et principem discipulorum, postquam negato me flebili, Et ad paenitentiam veneris, confirmat ceteros. hoc enim docet te, qui post me Ecclesia petra es, Et fundamentum. Etsi frater Tu Petre conuersus, bonum exemplum paenitentiae eris omnibus, qui cum Apostolus fueris, Et negaueris, iterum recessus primatum omnium, Et prefecturam orbis. Hic etiam audi nomen PRIMATVS Caluino inauditum. OECVMENIVS cap. i. Act. Surgit, inquit, Petrus, non Iacobus, Et velut feri tor, Et velut is cui discipulorum praesidentia commissa erit.*

H Y G O E T H E R I A N V S siue Heretrianus circa annum Domini M. C. LX. tempore Emanuelis Imperatoris, scripsit libros de processione Spiritus sancti aduersus Graecos, in quo opere lib. 3. cap. 17. sic ait: *Ex ipsa, inquit, rei evidentiali liquido apparet, quod Petrum eiusque successorem Christus primus Et caput non modo Latinorum Et Graecorum, Occidentalium et Septentrionalium universi; Verum etiam Armenorum, Arabum, Indiaorum, Medianitarum totius Orientis, Et meridionali climatis in perpetuum constituit. Hunc adiunximus Graecis, non quod fuerit Graecus natione, sed quod Graecè ut plurimum, & in aula Graeci Imperatoris scripserit.*

Ex Latinis S. C Y P R I A N V S in epist. ad Quintum dicit: Petrum noluisse dicere, cum a Paulo reprehenderetur, se habere primatum, & sibi obediendum esse. Quibus verbis indicatur cum habuisse primatum, & potuisse aliis omnibus iubere. At ne forte dicant aduersarij Petrum ex sententia Cypriani id est non dixisse se habere primatum, quia falsum dixisset; audimus A V G U S T I N U M exponentem hunc locum Cypriani lib. de Bapt. cap. i. Idem Cyprianus, inquit, in epist. ad Quintum, ita loquitur; *Nam nec Petrus, quem primum Dominus elegit,*

¶ super quem adificauit Ecclesiam suam, cum secum Paulus de circumcisione disceptaret, postmodum vindicauit sibi aliquid insolenter, aut arroganter assumpsi; Et diceret, se primatum tenere, ¶ obtemperari a nouellis ¶ posteris sibi potius debere, &c. Et paulò post: Ecce, inquit, sibi commemorat Cyprianus, quod etiam nos in Scripturis sanctis didicimus, Apostolum Petrum, in quo primatus Apostolorum, tam excellenti gratia praeminet, &c.

Idem S. CYPRIANVS in libro de unitate Ecclesiæ, siue de simplicitate prælatorum (ut suprà deduximus) facit Petrum caput, fontem, radicem totius Ecclesiæ. Et de eodem dicit in epistola ad Iubaianum: *Nos unus Ecclesia caput, & radicem tenemus.* Itaque illa duo nomina Cyprianus libenter usurpat, quæ Caluinus inaudita fuisse dixerat in antiqua Ecclesia. S. MAXIMVS in 3. sermone de Apostolis: *Quanti ergo, inquit, meriti apud Dominum suum Petrus erat, ut ei post nauicula parua remigium, totius Ecclesiæ gubernacula tradarentur.*

OPTATVS lib. 2. contra Parmenianum: *Cathedra, inquit, una est, & negare non audes, scire te Petro primum in Urbe Roma cathedram esse collatam, ubi sederit omnium Apostolorum caput Petrus, inde Cephas appellatus, in quo uno cathedralis unitas ab omnibus seruaretur, nec ceteri Apostoli singulis, sibi quisque defenderent, ut iam schismaticus & peccator esset qui contra singularem cathedralem, alteram collocaret.* Ergo cathedralis una est, quæ est prima de dotibus. In ea sed sit primus Petrus, succedit Linus, Lino Clemens, etc. Vides nomine CAPITIS & Petri CATHEDRAM, ac successorum, unicam totius Ecclesiæ cathedralem nominari. quæ Caluino erant prorsus inaudita.

S. AMBROSIUS in cap. vlt. Lucæ vocat Petrum VICARIVM amoris Christi erga nos, & eum dicit omnibus prælatum. Et in c. 12. ep. 2. ad Cor. PRIMATVM, inquit, non accepit Andreas, sed Petrus. Ecce iterum nomen Caluino inauditum. Idem in cap. 1. ad Galat. dicit, Petro curam Ecclesiarum à Domino demandadum. Deniq; serm. II. *Hanc, inquit, solam Ecclesianam ascendit Dominus, in qua Petrus magister est constitutus, dicente Domino; Super hanc petram adificabo Ecclesiam meam. Quaenam in altum seculi istius ita natat, ut pereunte mundo.*

mundo omnes quos suscepit seruet illos. cuius figuramiam
Veteris vidimus Testamento. Sicut enim Noe arca, naufragia
te mundo, cunctos quos suscepit, in columnes reservauit, ita
Petri Ecclesia conflagrante seculo, omnes quos amplectum
repräsentabit illos: Et sicut tunc transfacto diluio ad
cam Noe columba signum pacis detulit, ita Et transfactio in
cio ad Ecclesiam Petri Christus gaudium pacis referet.

B. HIERONYMVS lib. I. in Iouinianum: Inter duodecim
vñus eligitur, ut CAPITE constituto schismatis tolleretur
casio. Sed cur non Ioannes electus est Virgo et at delatum
quia Petrus senior erat, ne adhuc adolescens ac penè puer
gressa etatis hominibus preferretur. Hic etiam audis nom
capitis Caluino inauditum.

B. AVGUSTINVS passim dicit Petrum habuisse prim
tum, ac præsertim lib. 2. cap. 1. de Baptismo, ut iam antecu
uiimus, vbi etiam addit: Puto, inquit, quod sine sella sui con
milia Cyprianus Episcopus Petro Apostolo comparatur, qu
rum attinet ad martyrij gloriam. Ceterum magis vere
beo, ne in Petrum contumeliosus existam. Quis enim nel
lum Apostolatus principatum cuiilibet Episcopatu[m] prefe
dum? sed et si distat cathedralium gratia, vna est tamen
tyrum gloria.

Observandum hoc loco est, multum omnino, ex sententia
Augustini, Petri cathedralm præstare particularium Episcoporum cathedris: cum veritus sit, ne contumeliam Petru[m]
deretur facere, si cum eo compararet Cyprianum, qui tam
non solùm Episcopus, sed etiam primus erat totius Africae.

Notandum quoque, putasse Augustinum posse compari
martyrium Cypriani cum martyrio Petri, licet Petri cl
multò nobilius, quia in eodem genere sunt martyrum o
num palmæ: at Cypriani sedem non posse conferri cum sedi
Petri, quia non solùm sedes Petri est nobilior sede Cypriani,
sed est quodammodo in alio genere; nam differunt, ut tota
& pars. Non solùm enim Petrus erat Episcopus Romæ,
Cyprianus Carthaginis; sed etiam erat Petrus Pontifex o
terræ totius, cum tantum partis vnius esset Pontifex Cypri
nus.

Idem AVGUSTINVS de pœnitentia Petri loquens, sent
124. de temp. Totius, inquit, corporis morbum in ipso capite
CHI.

curat Ecclesia, in ipso vertice componit membrorum omnium sanitatem, etc. Auctor quæstionum veteris & noui Testamenti, quæ sunt in IV. tomo operum Augustini, q. 75. Sicut, inquit, in saluatore erant omnes causa maiestrij, ita & post saluatorem in Petro omnes continentur. Ipsum enim constituit caput eorum, & pastor esset gregis Dominici. Et infra: Manifestum est, inquit, in Petro omnes contineri; rogans enim pro Petro, pro omnibus rogasse dignoscitur. Semper enim in praeposito populus aut corripitur, aut laudatur.

S. Leo passim hęc docet, præsertim serm. 3. de assumptione sua ad pontificatum: *De toto mundo, inquit, unus eligitur Petrus, qui & universarum Gentium vocacioni, & omnibus Apostolis, cunctisq; Ecclesia Patribus præponatur. Et quamvis in populo Dei multi sacerdotes sint, multiq; pastores; omnes tamen propriè regat Petrus, quos principaliter regit & Christus.* Et in epist. 84. ad Anastasium in fine: *Magna, inquit, dispositio ne prouisum est, ne omnes sibi omnia vendicarent, sed essent in singulis prouinciis singuli, quorum inter fratres haberetur prima sententia: Et rursus quidam in maioribus orbibus constituti sollicitudinem susciperent ampliorem, per quos ad unam Petri sedem universalis Ecclesia cura confluueret, & nihil enquam à suo capite dissideret.* Ecce habes hęc quoq; nomen capitatis, & curam vniuersalis Ecclesiae.

S. PROSPER lib. de ingratis:

*Sedes Roma Petri, que pastoralis honoris
Facta caput mundo, quidquid non possidet armis,
Religione tenet, &c.*

ARATOR in cap. I. Actor. de Petro sic ait:

*- cui tradidit agnus-
Quas passus saluavit ones, totumq; per orbem
Hoc auget pastore gregem, quo munere summus
Surgit- &c.*

S. GREGORIVS lib. 4. epist. 32. ad Mauritium: *Cunctis, inquit, Euangelium scientibus liquet quod beatusimo, & omnium Apostolorum principi Petro, Dominica voce totius Ecclesia cura commissa est.* Et infra: *Ecce, inquit, claves regni cœlestis accepit, potestas ei ligandi atque soluendi tribuitur, curaci totius Ecclesia & principatus tribuitur.*

BEDA hom. in vigilia S. Andreæ, in illud: Intuitus eum, & Ioan. i. Vedit, inquit, cordis eius simplicitatem, Vedit anima sublimitatem, cuius merito cuncta esset preferendus Ecclesia. Et homilia in festo Petri & Pauli: Ideo, inquit, B. Petrus, quod Christum vera fide confessus, Vero est amore sequivis, speculator claves regni cælorum, Et principatum iudicaria post statis accepit: Et omnes per orbem credentes intelligant, quod quicunque a Sonitate fidei, vel societatis illius quolibet mensuetipos segregant; tales nec vinculis peccatorum absoluuntur, tamen possint regni cælestis ingredi.

S. BERNARDVS in epist. 237. ad Eugenium: Locus, in qua stas, terra sancta est, locus Petri est, locus principis Apostolorum, Vbi steterunt pedes eius; locus illius est, quem constitutus Dominus dominum domus sua, Et principem omnis possessoris sua. Et lib. 2. de consider. ait de Petro: Instar Domini diens supra mare, Vnicum se Christi Vicarium designauit non sibi populo, sed cunctis praesse deberet, siquidem aquatae, populi multi.

His XXIV. Patrum testimoniis quasi vocibus XXI. niorum de Apocalypsi, aperte ostenditur consensus ut Ecclesiæ, tam Græcæ, quam Latinæ: ad quæ nihil omnino sponderi potest; nisi quod Lutherus & Caluinus de Leonis cunct, eos humana passos, ac deceptos esse.

Sed si ita est, cur nemo vñquam eos reprehendit? Certi piphanus, Theodoretus, Augustinus, Damascenus, indicant heresim & hereticorum texuerunt, & in eo etiam Origenes posuerunt. At cur, queso, in erroribus Origenis illum non notarunt, quod dixerit; Petro sumمام rerum de pascendis quibus à Christo traditam? Cur Cyprianum, Ambrosium, Chrysostomum, Optatum, Leonem, & alios, inter hereticos non numerarunt, cum tam clarè docuerint; habuisse Petrum primatum, & fuisse caput Ecclesiæ, & totum orbem terrarum illi commissum? Certè tantum errorem, qui Antichristos ipsi dicunt, tam aperte fauet, omnium scriptorum calamis confodi oportebat.

Quare cum uno ore veteres clament, Apostolo Petrum primum Ecclesiasticum à Christo esse delatum; cum idem uero insignes Petri prærogatiæ testentur; cum in sacris diuinis literis hunc ipsum primum tam liberaliter promissum

quam

quām fideliter datum esse videamus: nimis profectō pertinaces erimus, si aduersus tam claram veritatis lucem oculos clauserimus.

CAPVT XXVI.

Diluitur argumentum ex comparatione Petri
cum Iacobo.

RGVMENTA, quæ aduersus primatum Petri fieri solent, maxima ex parte soluta sunt in explicatione duorum locorum Scripturæ, Matth. 16. & Ioannis vlt. vbi de petra, de clauibus, & de ouibus differuimus. Tria tamen supersunt. Vnum ex comparatione Petri cum Iacobo: alterum ex collatione eiusdem cum Paulo: postremò ex horrendis fcedisque lapsibus Petri, quos diuino consilio Spiritus sanctus literis mandari voluit, ne nimis multum Petro Apostolo tribueremus.

Ac PRIMVM quidem argumentum LUTHERI est, in lib. de potestate Papæ, vbi Iacobum maiorem Petro fuisse, his rationibus probat. PRIMVM, Christus fuit Episcopus Hierosolymæ, non Romæ, & Apostoli eius Presbyteri fuerunt: Igitur Iacobus, qui post Christi passionem Episcopatum Hierosolymæ sortitus est, Christo succedit, vel certè Vicarius eius est, non Petrus. DE INDE, Hierusalem est mater omnium Ecclesiærum, nam de Sion exibit lex, & Verbum Domini de Hierusalem, Isaïæ 2. Igitur Iacobus omnium Ecclesiærum pater est, non Petrus. PRAETEREA, Nicænum Concilium, can. 7. Episcopo Hierosolymæ primatum tribuit: idque ex antiqua consuetudine & traditione confirmat.

Possumus addere duo grauissima testimonia. Vnum CLEMENTIS, qui lib. 6. dispositionum, apud Eusebium lib. 2. hist. cap. i. sicut ait: Petrus, Iacobus, & Ioannes post assumptionem Saluatoris, quamvis ab ipso fuerint omnibus penè pralati, tamen non sibi vendicabant primatus gloriam, sed Iacobum, qui dicebatur Iustus, Apostolorum Episcopum statuunt. Huc respexit LUTHERVS libro de potestate Papæ, cùm ait; Petrum, Iacobum, & Ioannem, primatus suos reieccisse, & in Iacobum minorem eos contulisse.

Alterum est CHRYSOSTOMI, qui hom. 3. in Acta: Vide, inquit, Iacobi modestiam. Is accepere at Hierosolymis Episcopimu-